



Isalathiso: 20191021-619  
Inombolo yefayili: 12/12/41/1  
Imibuzo: Jonga kumhlathi 7

ISetyhula: 0041/2019

Umhla wokuphelelwa: 31 Matshi 2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kuBaphathi beeSekethe, kwiiNtloko zoLawulo noKuphathwa kwaMaziko, KumaSekela eeNgcali zeMfundo eziziiNtloko, kumaSekela-Balawuli kwii-ofisi zezithili, kwiiNtloko zezikolo eziziipriprayimari nezezikolo ezizimeleyo ze-ECD nakwiiNqununu zezikolo zikarhulumente eziqhelekileyo ezineeklassi zamaBakala R

Isishwankathelo esifutshane: *Ingcaciso kubo bonke abathathi-nxaxheba emalunga neenkqubo zokwenza izicelo zenkxaso-mali yoPhuhliso lweMfundo yaBantwana aBasalaqalayo (Early Childhood Development (ECD)) neminye imiba echaphazelekayo*

**ISihloko: linkxaso-mali zeBakala R neminye imiba enxulumene ne-ECD ukulungiselela owe-01 Apreli 2020**

## 1. **Ulwabiwo-mali lweBakala R**

### 1.1 **Ukufumana ingcaciso**

linkcukacha zemimiselo nemigangatho (N&S) allocation) yolwabiwo-mali lweBakala R kunyaka-mali oqala nge-01 Apreli 2020 ukuya kwi-31 Matshi 2021 ziyafumaneka kwi-CEMIS yaye zinokufunyanwa ngale ndela ilandelayo:

- Loga kwi-CEMIS.
- Klikha ku"Proceed", uze ukhethe u-"Administration" kwi-menu bar uze uklikhe ku-"Norms and Standards Allocation" emva koko ukhethe u-"N&S 2020".
- Liprinte elo phepha.

Kucelwa uthathele ingqalelo oku kulandelayo:

Ulwabiwo-mali lwenziwa ngokweMimiselo neMigangatho i-National Norms and Standards for Grade R Funding, efakelwe izilungiso kwi-Gazethi kaRhulumente No 29179 ye-31 Agasti 2006.

Ileta yesabelo solwabiwo-mali ibandakanya iinkcukacha zocazululo ezicacisa ulwabiwo-mali ukulungiselela unyaka-mali ka-2020/21, kwakunye nolwabiwo-mali lwethutyana (*provisional allocations*) loonyaka-mali ababini abalandelelanayo o.k.t. u-2021/22 no-2022/23.

Zonke izabelo zazibalwe ngokwamanani obhaliso lwabafundi akwiCEMIS.

## 1.2 Ukubalwa kwesabelo-mali senkxaso-mali yeBakala R

Kuvunyiwe ukuhlawulwa kweenkxaso-mali kubafundi abakula magela obudala alandelayo (njengokuba kwakunjalo ngo-2020) kwiiklasi ezivunyiweyo kwizikolo zikarhulumente eziqhelekileyo, kumaziko e-ECD abhalisiweyo nakumaziko azimeleyo ukususela nge-01 Apreli 2020:

- Abafundi abaza kugqiba iminyaka eyi-5 phambi kowe-30 Juni
- Abafundi abaneminyaka eyi-5 nabaza kugqiba eyi-6
- Abafundi abaneminyaka eyi-6 abaza kugqiba eyi-7, abakuxolelweyo ukuhamba isikolo ngokweminyaka yobudala enyanzelekileyo

Inkxaso-mali ngomfundi ngamnye (*Per capita subsidy*):

Udidi lweziko	Inqanaba leNtlupheko (NQ)	Imeko yokuhlawula iifizi yeziko	Isixa emasihlawulwe ngomfundi ngamnye ngosuku
Izikolo zikarhulumente eziqhelekileyo (zonke izikolo ezilawulwa ngurhulumente ezifundisa iBakala R):	NQ1–NQ5	Ezingahlawulisi zifizi	R30
	NQ4	Ezihlawulisa iifizi	R21
	NQ5	Ezihlawulisa iifizi	R20
Izikolo ezizipriprayimari zikarhulumente			R20
Amaziko azimeleyo (zonke izikolo ezilawulwa ngamaqumrhu abucala ezifundisa iBakala R)		Ezingahlawulisi zifizi	R30
		Ezihlawulisa iifizi	R20

Isixa sesabelo-mali sezibonelelo ezixhasa ukufunda nokufundisa (LTSM) kwizikolo ezingahlawulisi zifizi kuphela:

- Isixa esiyi-R2 362 ngenyanga sihlawulwa kwiklasi nganye efundiswa ngutitshala/yipraktishina yeBakala R ehlawulwa liSebe iWCED.

Isabelo-mali esisesona sisezantsi kwizikolo zikarhulumente eziqhelekileyo kuphela:

- Izikolo ezinabafundi abangaphantsi kwabayi-25 zinelungelo lokufumana inkxaso-mali eyeyona isezantsi eyi-R148 284 ngonyaka.
- Izikolo ezinabafundi abangaphantsi kwabayi-10 zinelungelo lokufumana inkxaso-mali eyeyona isezantsi eyi-R134 112 qho ngonyaka.

•

## 2. Amabango enkxaso-mali yeBakala R nentlalwulo

2.1 Amabango enkxaso-mali eBakala R aya kususelwa kwi-*Annual School Survey (ASS)* yango-2020.

2.2 Kubalulekile ukuqaphela ukuba:

- bonke abafundi beBakala R mabafakwe/mababhaliswe kwi-*CEMIS*;
- bonke abafundi beBakala R mababe yinxalenye yeklasi yeBakala R; yaye
- utitshala/ipraktishina yeBakala R mayibe yinxalenye yeklasi nganye yeBakala R.

Kucelwa uqinisekise ukuba yonke idatha kwi-*ASS* ka-2020 ichanekile yaye isayinelwe. Akukho zilungiso ziya kuvunyelwa emva kokusayinelwa kwe-*ASS*.

Ibango linokungeniselwa ukufunyanwa kwentlalwulo kuphela xa ngaba ezi mfuno zimiselweyo zingentla zifezekisiwe. Ukungaphumeleli ukulandela mbo ezi mfuno zimiselweyo kunokukhokelela ekubeni iziko liphulukane nentlalwulo yenkxaso-mali yalo okanye yinxenye yayo.

2.3 Njengenkqubo eqhubeka okoko, amabango enkxaso-mali yeBakala R makangeniswe zizikolo/ngamaziko ngokungena kwi-*CEMIS* ngezi ndlela zilandelayo:

- Loga kwi-*CEMIS*.
- Klikha ku-"*Proceed*" uze ukhethe u-"*Administration*" kwi-*menu bar* uze uklikhe u-"*Gr R Subsidy*".
- Khetha u-"*Submit Application*".
- Bonisa "*Will you be applying for Grade R subsidy*". Uyacelwa ukhethe u-*YES/NO*.

Uyacelwa uzalise la macandelo achaphazelekayo (*relevant fields*) afunekayo uze uprinte uxwebhu lwebango lwesikolo ukulungiselela iinjongo zeerekhodi emva kokuba ibango lingenisiwe. Ibango lenkxaso-mali yesikolo liya kungeniswa ngekhompyutha kwi-ofisi yesithili echaphazelekayo. Akukho manyathelo angamanye afunekayo kweso sikolo.

Kucelwa ufunde uxwebhu i-*Grade R Subsidy Claim Application System User Manual* ukufumana inkcazo esisikhokelo ecacisa izigaba ezilandelelanayo zenkqubo yokungeniswa kwebango lenkxaso-mali ngokuyimpumelelo.

Inani elipheleleyo leentsuku eziyi-200 ngonyaka wezifundo ngamnye liya kusetyenziswa ekubaleni inkxaso-mali, yaye i-50% yolwabiwo-mali iya kuhlawulwa ngethuba lesixa sesavenge sika-Apreli/Meyi size isixa sesavenge esiseleyo esiyi-50% sihlawulwe ngethuba lesixa sesavenge sika-Oktobha/Novemba.

#### 2.4 Amaxesha amisiweyo

##### Imihla yenkqubo yango-2020:

##### Isixa sesavenge sika-Apreli/Meyi (Ikota yeSikolo 2 no-3 kunyaka wesikolo ka-2020)

Umhla	Inyathelo
13 Apreli 2020	I-CEMIS ivulelwa ukungeniswa kwamabango
17 Apreli 2020	Umhla wokugqibela wokungeniswa kwamabango zizikolo/ngamaziko  <b>Makuqatshelwe:</b> Emva kwalo mhla akanakungeniswa amabango ukwenzela ukuba ahlawulwe.
24 Apreli 2020	Ii-ofisi zezithili zigqiba iinkqubo zeengcebiso nokuvunywa kwamabango kwi-Eduinfosearch, zize zilisayinele ibango ngalinye.
15 Meyi 2020	Umhla wokugqibela wentlawulo yenkxaso-mali kwizikolo/kumaziko

##### Isixa sesavenge sango-Oktobha/Novemba (Ikota 4 yonyaka wesikolo ka-2020 neKota 1 yonyaka wesikolo ka-2021)

Umhla	Inyathelo
12 Oktobha 2020	I-CEMIS ivulelwa ukungeniswa kwamabango
16 Oktobha 2020	Umhla wokugqibela wokungeniswa kwamabango zizikolo/ngamaziko  <b>Makuqatshelwe:</b> Emva kwalo mhla akanakungeniswa amabango ukwenzela ukuba ahlawulwe.
23 Oktobha 2020	Ii-ofisi zezithili zigqiba iinkqubo zeengcebiso nokuvunywa kwamabango kwi-Eduinfosearch, zize zilisayinele ibango ngalinye.
15 Novemba 2020	Umhla wokugqibela wentlawulo yenkxaso-mali kwizikolo/kumaziko

#### 2.5 Okuqhubekayo ngebango

Okuqhubekayo kwibango kunokulandelelwa kwi-CEMIS yaye kunokungenwa kuyo ngale ndlela ilandelayo:

- Loga kwi-CEMIS.
- Klikha ku-"Proceed" uze ukhethe u-"Administration" kwi-menu bar uze uklikhe u-"Gr R Subsidy".
- Khetha u-"Claim status".

### 3. **Izikolo ezingabizi zifizi ezifundisa iBakala R**

Izikolo ezingabizi zifizi ezifumana inkxaso-mali yeBakala R kuRhulumente azivumelekanga ukubiza iifizi zesikolo zabafundi beBakala R (makufundwe uxwebhu *National Financial Management Guidelines in Respect of Schools Offering Grade R Classes, October 2009*, kwiphepha 4).

Abazali banokucelwa bahlawule iintlawulo zokuzithandela (*voluntary contributions*). Ezi ntlawulo azinyanzelekanga yaye mazingaze zisetyenziselwe ukukhuphela ngaphandle abafundi abanabazali abangenako ukuzihlawula ezi ntlawulo zilolu hlobo.

### 4. **Ukusetyenziswa kwesabelo solwabiwo-mali seBakala R**

#### 4.1 **Umvuzo katiishala/wepraktishina yeBakala R**

Ziyakhunjuzwa izikolo ukuba ootitshala/iipraktishina zeBakala R ezisezikolweni (ootitshala bebhunga lolawulo) kuzo zonke izikolo ukuba mabafumane inkxaso-mali yesabelo esisixa esipheleleyo esiyi-80% esihlawulwa ngomatshini kabini ngonyaka (*biannually*.)

Amabhunga olawulo ezikolo ezikumanganaba NQ4 no-NQ5 makawongeze umvuzo katiishala/wepraktishina yeBakala R ukwenzela ukuba utitshala/ipraktishina ifumane isixa esingaphezulu kwesona sixa somvuzo sisezantsi se-R9 995 ngenyanga.

Ootitshala/iipraktishina zeBakala R kwizikolo ezingahlawulisi zifizi zinelungelo lokufumana isixa esipheleleyo esiyi-80% senkxaso-mali.

#### 4.2 **Izibonelelo ezixhasa ukufunda nokufundisa (LTSM)**

Yi-10% yenkxaso-mali eyabelwa izibonelelo ezixhasa ukufunda nokufundisa (*Learner Teacher Support Material (LTSM)*) kubandakanywa zombini iindidi zeLTSM ezisetyenziswa ngaphakathi nezangaphandle ukwenzela abafundi beBakala R.

#### 4.3 **Iindleko zokwenziwa komsebenzi**

Enye i-10% yenkxaso-mali yabelwa ukuhlawula ii-akhawunti zeenkono o.k.t. ii-utility accounts zezikolo ezifana neentlawulo zeefoni, ii-akhawunti zamanzi nezombane, ezexhobo zokufotokopa nokuprinta, nezinto zokucoca nokulondolozwa kweklasi

(kweeklasi) zeBakala R, nazo naziphi ezinye iinkonzo ezifunwa ngootitshala/ziipraktishina zeBakala R.

**5. Iimfuno ezimiselweyo zokunika ingxelo**

Makulandelwe mbo iimfuno ezimiselweyo zokunika ingxelo eziqhelekileyo njengoko zichaziwe zii-ofisi zezithili, ukwenza intlawulo yenkxaso-mali elandelayo.

**6. Iileta zolwabiwo-mali lokugqibela**

Iileta zolwabiwo-mali lokugqibela (ngokususelwa kumanani obhaliso esaveyi yeSNAP ka-2020) ziya kupapashwa kwi-CEMIS ungadlulanga owe-16 Matshi 2020.

**7. Iinombolo zoqhagamshelwano xa kukho imibuzo**

<b>Isihloko</b>	<b>Igama</b>	<b>Inombolo yefoni</b>
Ulwabiwo-mali lweN&S neentlawulo ezenziwe ngoomatshini kwizikolo neminye imibuzo emalunga neenkxaso-mali zeBakala R (Ulwabiwo lweN&S)	Makuqhagamshelwane nomphathi weze-ECD okwisithili ochaphazelekayo.	I-ofisi yesithili efanelekileyo
Imibuzo emalunga ne-CEMIS	Makuqhagamshelwane nomlawuli we-CEMIS ochaphazelekayo kwisithili	Inombolo yoqhagamshelwano ye-CEMIS iyafumaneka phantsi kwe-“CEMIS Support” menu option

**ISAYINWE:** NGU-BK SCHREUDER  
**INTLOKO YESEBE LEMFUNDO**  
**UMHLA:** 2019-11-09